



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XLVIII. Societatis famam qua[m] topere tutatus sit.

urn:nbn:de:hbz:466:1-10840

rem, quod esset ybique tam sibi eadem consentiensque gubernatio, vt ab uno geri non à pluribus videretur.

XLVIII.

*Societatis
famam quā-
tōpere tutu-
tus sit.*

Denique certo persuasus Societatem, non suam sed Dei rem esse, (fuit enim hic eius sensus perpetuus, { nihil eorum omisit quæ ad cōseruandam illius sanctitatem, auctoritatemque, & tuendam aduersus impugnantes famam præstari valerent: nulli ante fas erat ad concionandum, vel docendum prodire, quam ipsi & aliis quos secum assumperat in eo genere versatis, experimentum dedisset suæ facultatis. Quibus a summo Pontifice, missiones, & grauis momenti negotia mandabantur, vt & cœteris quos ipse adhiberet, coram, & scripto tradebat monita, quæ in rem maximè facerent accommodata loco, & tempori. His Ioannem Nugnezium Barretum Aethiopæ patriarcham, ad suam Ecclesiam è Lusitania discelorum munivit; his Lainium, & Natalem, Cardinali Moroni ab Iulio III. ad comitia Augustana à consiliis datos; Pascasium, & Salmeronem à Paulo III. in Hiberniam nuncios; Iacobum Mironum, Lusitanæ Regis obsequio destinatum instituit; suas etiam Manateo, cum gubernatore Laureri versatu; suas Pelletario, duci Ferrarie Herculi operam nauaturo; suas Pontificis ad tridentinum confessum Theologis Iacobo Lainio, & Salmeroni; suas quibusque aliis cautiones, & sanctimoniae, ac sapientiae præcepta tradidit, quorum causas, & mentem longum hic fuerit explicatus narrare, & commodior alias seruat iis locus. Iam in Societate defendenda, primum hoc tenuit, ne qua re omnino aut nouos sibi aduersarios crearet, aut exasperaret acerius veteres. Quare vi nulla induci potuit, vt refelli ardenter censuram pateretur, qua Academici Sorbonæ Societatem crudè perstrinxerant; vel tumultuose in eam aliquid moueri. Quod cum domi nonnullos ferre iniquius cerneret, nec il'am amplecti nimiam placabilitatem, nec acquiescere satisfaciens sèpius illis Christi verbis, *pacem meam do vobis, pacem meam relinquo vobis;* publicam ad eos addidit cohortationem, qua vehementius contendit, nec esse religiosis mentibus liberum, tametli grauiter offendis indignari, aut concipere aliquid vindictæ, sub defensione necessaria sèpius latitantis; nec pati prudentiam vt æternas, aduersus communitatem, præsertim illustrem, susciperemus inimicitias: ob hoc item Martinum Olauium redire ad theses noluit ab religiosis quibusdam in conuentu totius Ordinis positas, quod ex iis aliquas, sic exagitasset, vt responsionem propugnanti omnem eriperet. Quippe illi splendor non placuit, quo obscurarentur alij; nec emendam vnius gloriam malevolentia multorum, qui, vt nimis proliuè, offusum pudorem interpretatur erant iniuriam. Eundem quoque Olauium rogauit vt ex positionibus Theologicis quas erat editurus, eam vellet delese, qua male affici poterant qui consueissent diuersa sentire. In querendis quin etiam Deo cœloque hominibus, in quo vires omnes optabat à nobis exerci; ea tamen id agi moderatione, & solertia cauendi cupiebat, ne cui iusta daretur offensionis occasio. Duo nimis in Societate operarum feruentium dicere genera solebat, alios qui ædificarent, nunquam destruerent,

destruerent, qui suum ardorem ea caritatis, & prudentiae æqualite temporearent, vt dum cunctis prodeßent, nocerent nemini; qui sibi licere quicquid posse nequaquam crederent; sed hoc solum se posse quod liceret atque expediret: qui vbi cumque periculum, aut etiam metus offendionum minaretur ex alienandis virorum, maximè principum, animis, religioꝝ suæ modestia, humilitatiq[ue] id imputarent, quod summae suæ ad iuuandoꝝ mortales voluntati, aliena culpa non posse imputare: alios è contrario aiebat, ædificare vna, & deſtruere, telamque hinc simul retexere quam inde contexunt; ardere sed parum cauere; agi perturbatione magis & impetu, quam bene cordata ratione; non attendere ex bono quod facere ambiunt, quid & quantum fecuturum sit mali; ac modò quem volunt lucentur vnum, ad decem quos interim perdunt ne quidem aduertere; velle, si quid n̄s controvenerit, rem lite iuridica ad viuum dirimi, tumultu, & turbis omnia implere, auersa etiam plarumque ab Societate illorum bencuolentia, quorum fauore carere non potest ad liberam diuinæ gloriæ proœcationem. Hoc genus, difficile dictu est, quantum auersaretur Ignatius, vt pote vbi que demissionis Christianæ, pacisque percupidus; ergo huiusmodi si quem reperisset in cuius impetu sanioribus móitis frænado paru felix fuisset; ligabat operatio illi manus, cumque à publicis ministeriis amouebat. Verum calumnia, & suspectæ doctrinæ, aut consuetudinis accusatio, si eam impieterent Societatis famam quæ ad salutem mortalium confidenter iuuandam necessaria est; assurgebat tunc scilicet in defensionem, vrgebatque rem omnibus machinis quoad de illa supremum pronuntiaretur, haud quidem aduersariis infensus, sed iustus depulsor probroſi nominis quo infamabatur opera conuersioni hominum destinata. Hunc stylum aduersus foederatos hæretici monachi, de quo liber proximus narrauit; hunc aduersus quandam postea tenuit Mattheum à Sancto Cassiano, Romæ veredariis præfectum, qui subtracta suæ libidini vel ab Ignatio, vel alio è nostris meliorem in vitam femina, in rabiem actus tota vrbe Ignatum, & suos, & S. Marthæ cœnobium (qui erat illarum miserarum ad penitentiam receptus) turpissimorum criminum latè traduxerat, vnde mox nonnulla glisceret inculcante tam passim calumniatore, suspicionis fides; inde quod creditum fuerat præstantissimæ caritatis, timeri iam ne occultum foret flagitorum commercium; inde multi tam sancto ab opere manum restringere, quam in subsidium illius cœnobij expanderant antea liberalem. Ergo Ignatius, Dei causam acturus, non suam, ad tribunal iudicum prouocauit; illic tam certis, & euidentibus veritatis patrocinis, innocentiam defendit, vt calumniator imminentे Dei, & hominum vindicta exterritus, ad palinodiam publicam in campo Floræ, & professionem sui mendacij se nostris offert. Sedenim saua in Societatem coorta Salmanticæ tempestas, toamque inde peruides Hispaniæ, fuit catminibus aliis dissipanda; patientia primum constanti, & lenta; cui frustra diu adhibita, iuris præsidium efficax denique successit. Mouerat hos fluctus Theologus Monachus, clientelis suorum, & fama tam potens, prope vt totum in eosdem conatus toto

Oo 2 illo

illo regno Ordinem suum secum immiserit. Furendi causam haud aliam habuit, præter doctrinæ, & sanctimoniorum nomen quod illic Deus Societati iam fecerat, ex quo ille cum suis, falso illam religiosi Ordinis titulo se iactare; fallaci doctrina illudere; vitam ducere peruersitate morum sceleratam; quæ uti sentire obstinarant, ita populo inculcabant, ut iam è pulpitis audiretur nihil, nisi Societatem Anti-christorum esse cœtum, quos multiplici parallelo nobiscum minute componebant. Huic se turbini permittens Ignatius, ferendo, tacendo, Dei opem querendo, experiebatur an valeret illum mansuetudine lentare: sed irrumpte illo ferocius quod nullius obiectu tardaretur, Petrum imitatus iactatae nauiculae metuentem, Christum excitauit, rogato enixe Christi Vicario, ut turbulentis illis comminaretur ventis, & fluctus impios coherceret. Annuit Pontifex; & dira execratione, penitusque aliis eorum deuouit audaciam, qui auctoritatem summæ sedis aut spernerent, aut imprudentia carperent, in approbando Instituto, quod ipsi non satis probarent. Ne cui tamen hæc appellatio attribueretur præterquam necessitatì, diuinæ gloriae vindicandæ, consilium suum probauit per literas P. M. Ioanni Aulæ sibi amicissimo, ut ubi res posceret, posset vir tota Hispania, & talis & tantus, dicto scripto que erorem iis demere, quibus forte hæc prouocatio minus patiens videretur. Contendit ergo iis literis, asseritque testimoniis tum patrum veterum, tum Theologiae principum, propriae famæ propugnationem necessariò cuique incumbere, cum eius neglectus in boni publici detrimentum euadit. Hoc uno se motum ad propellendum probrum quo bona, & innocens suorum, inurebatur existimatio; quod tamen aiebat præstiturum se quam placidissimè, & qua maximè posset obseruantia, & suavitate, quibus si nihil promoueret, iturum se via opposita, quam necessaria defensionis religio suafisset.

XLIX.

*Ratio bonos
formandi su-
periores.
Iacobus Mi-
ron.*

Duas egit has partes primarias gubernatio S. Ignatij, quibus debere Societatem regi, quidam ex antiquis illius patribus tradidit; quæ priuatum cum publico bonum ita consociant, ut suam utriusque mensuram modumque conseruent. Hac vero duplice continentur voce. *Fortiter, & Suauiter.* *Fortiter, ut cum omni restringe sit ratio gubernandi efficax atque im-
mobilis in uniuersam, & que cum fine constanter, atque magnanimititer con-
iungatur. Suauiter, ut in particularibus, & rerum usu adhibeatur moderatio,
longanimitas, & sustinentia ut expedire videbitur.* Nunc post enarratam in formandis ad summam virtutem inferioribus, illius sanctitatem, cum pari prudentia coniunctam, superest demum, iisdem præsidis, superiores quo pacto fingeret videamus, quæve illis præcepta magisterij huius impenitissimi scriberet. In quo excellentem eius peritiam edocetus Xauerius præfessione quadam sui post annum è vita discessus, magnoperè ab eo petuit Rectorem Goano Collegio, quem coram, sua ipse manu, ac voce formasset

[Te per Dei amorem, & obsequium rogo (ait Cocino scribens) quod te sanctis pedibus tuis aduolutus, ex te si præsens istic essem, rogarem, mittas

huc